

Bĩ guel looi nẽ kã ke thukuul

Acuku gam buku kã ke guel cõk thõk apiath tẽ cĩn gãäu. Nẽ wẽt kãn, apiath na ba wo cõk nyic kãkuõn diir yĩin tẽ cĩn gãäu.

Nẽ kã kõk ril yĩic alẽu bĩ piath ba jam wenẽ bãny de thukul. Na kuc ba guel enõj ɲa, ke dupiõny de mẽnhdu ka raan lui maktam de dupiõc alẽu bĩ yĩin yĩek kã nyooth rin ke kõc ba keek tĩj.



Jam nẽ kãril yĩic dhal kõc alẽu bĩ ya dhõl tõ tueen piath benẽ keek cõk thõk apiath.

Jõk nẽ dhõl bĩn dupiõny de mẽnhdu thiẽc, ba jam wenẽ raan tõ maktam de dupiõc, ka nẽ thukul tõ nhial (thukul de rou) them raan muk dhõl de piõc. Yĩn lẽu ba gueldu yãth thukulic, nẽ yimeel, jam telepuun ka athõr (awerek) na nhiaar. Juiir kaam bĩn rõm piny wenẽ dupiõc ka ba thukul yuõp ku bĩ kaam de rõm piny mat.



Nẽ akõl kõk wo lẽu buku yĩin thiẽc ba guel gãt piny. Matẽ kã juẽc wĩc ba keek lueel thĩn ku lẽkkẽ wook kẽ nhiaar bĩ tuõl nẽ wẽt de gueldu.

Wo lẽu buku yĩin kuõny ba gueldu gõt. Yĩn lẽu eya ba luui nẽ poom de guel ka nẽ Feedback Assist widget – keek kedhia aa tõ nẽ webthait de Dìpäätmén de Piõc. Juiir kaam bĩn piny rõm wenẽ dupiõc ka ba thukul yuõp ku bĩ kaam de rõm piny mat.



Nẽ kã juẽc, kõc ke luoi aa lẽu bĩkẽ guel cĩ bẽi enõj keek piñ. Kã kõk ke guel aa yenẽ ke bãny de thukul ka bãny de kõc ke luoi tĩj wĩc bĩkẽ tõ thĩn.

Raan piñ luk abĩ wẽl wĩc keek piñ enõj kõc ben ke guel deetic apiath. Ku tẽ cen ye keen looi, ke yeen abĩ dhõl bĩ kõc kuõny bĩ guel thok apiath. Raan tĩj luk alẽu bĩ kõc thiẽc ke ɲot ke kẽc guo jam kenẽ yĩin.

Tẽ dhuk wo wẽt de guel nhom, wo lẽu buku tõj de ke kãk ka kã juẽc kõk looi:

- Bĩ nañ kẽ loi ago kẽrlĩc cõk piny ka bĩ kẽrlĩc looi bĩ bẽer dik
- gam kẽ ca wuõõc
- lueel kẽ cĩ tuõl
- gam mẽnẽ ke kẽ cĩ tuõl e tẽ e cĩ looi apiath ka nẽ dhõl kõk wãac yĩic
- ba dhõl wẽn yenẽ ke luui bẽer caar yĩic nẽ wẽt de guel cĩ looi.

Nẽ akõl kõk, aa cĩiku ye lẽu buku kẽ cĩ tuõl waar. Raan tĩj luk eya abĩ lueel mẽnẽ ke kuõm cenẽ luk kuum e piath cĩt mẽn kã cĩ tuõl. Yenõ cĩ kuum, raan tĩj luk abĩ lẽk yĩin apiath yenõ yenẽ yeen kuum yeya. Yen alẽu bĩ ye kẽnẽ lẽk yĩin nẽ amatic ka nẽ telepuun ka nẽ yimeel.

Na kẽcẽ piõu miẽt nẽ kuum cĩ looi, ke yĩn lẽu ba jam wenẽ raan tĩj luk nẽ kã guel yĩn nẽ keek ku ba kã wĩc bĩ keek looi lueel.

Na ɲuõõtẽ ke yĩ cĩ piõu mit ka ye gam mẽnẽ ke kuõm de guel e cĩ piath ku/ka tẽ cenẽ luk luõci thĩn e cĩe yic, ke yĩn lẽu ba thiẽc bĩ bẽer caaric. Thiẽc benẽ wẽt bẽer caaric abĩ dhiil lẽk raan tueen wãan piñ luk ka bĩ thiẽc bãnyde.

Cãar de kẽ cĩ lueel bĩ looi abĩ raan liu nẽ kã ke guel yĩic ku ke liu tẽ e piñẽ guel thĩn dhiil looi.

Cãar de kẽ cĩ lueel bĩ looi nẽ wẽt de guel alẽu bĩ ajuir cĩt NSW Ombudsman ɲõõr.

Ajuĩer de wẽer de thok nẽ telepuun

Na wĩc wẽl kõk ke lẽk, ke yĩ cõl bãny de thukuldu. Na wĩc raan de wẽer thok bĩ yĩin kuõny nẽ kã ba keek thiẽc, ke yĩ cõl Ajuĩer de Wẽer de Thok nẽ Telepuun tõ on 131 450 ku thiẽc raan de wẽer de thok nẽ thuõjdu (thõjdu). Lẽkkẽ raan luui tẽ telepuun namba wĩc ba cõl ku raan lui nẽ telepuun abĩ raan de wẽer de thok bẽi onlaany bĩ yĩin kuõny nẽ jam ba looi. Yĩn cĩ bĩ thiẽc wẽu nẽ ye luõci kãn.